



DEO OPTIMO MAXIMO UNI ET TRINO,

VIRGINI DEI-PARÆ, ET S. LUCÆ,
Orthodoxorum Medicorum Patrono.

QUÆSTIO MEDICO-CHIRURGICA,*

QUOTLIBETARIIS DISPUTATIONIBUS
manè discutienda in Scholis Medicorum, die Martis vigesima
mensis Aprilis, anno Domini M. DCC. LXXIX.

M JOANNE-AUGUSTINO COUTAVOZ,
Doctore Medico, Præfide.

Num Bubones critici in febribus malignis statim incidendi?

I.



IASMATA vitiosa vel in corpore nata, vel extrinsecis suscepta
& intra circulationis vias abrepta febribus humoralibus originem
præbent. Hæ eò periculosiores, quò illa difficiliter aut naturalibus
humorum moleculis assimilari, aut per varia colatoria foras aman-
dari queunt. Idcirco febris maligna tragedias inferre solet. Etenim
seuissimi hujus morbi causa est materia (a) multum sed inæqualiter
spissa particulas diversi generis nimirum alias æscentes, alias acres, alias acerrimas

* Auctore Cler. VACHIER. M. P. 1770.

(a) Fises, Tract. Febrium, cap. de Febre maligna.

A

ac velut venenatas in sinu suo gerens. Hinc oriuntur symptomata eò graviora, quòd alia aliis contraria medelas oppositas exigant. Quantumvis numerosa sint & atrocita febris malignæ symptomata, quantumvis composita sit illius causa, quotiescumque varias indicationes adimplere licet, & infarctus viscerum inflammationis venæ-sectionibus ac demulcentibus ita cautè expugnatur, ut attendatur ne fibrarum tonus in eo morbo multum debilitatus omninò frangatur; & fluidorum spissitudo cardiacis emendatur & pravorum succorum in primis viis nidulantium emeticis ac catharticis evacuatio promovetur, sed eà cautelâ quâ præcaveatur ne materiæ morbida moleculæ acres excandescant; toties morbi sæviciem profligat ars Apollinaris. Interdum ex medentibus non tantum requiritur opus, scilicet: quando viscera vel remediis adjuta vel ex se ita robusta ut ad parres externas febrilem causam ablegent: tunc glandulæ, ut potè quæ debilitati textu donatæ infarciuntur, inflammantur; hinc bubones, qui ideo critici nominantur, quia iis obortis febris malignæ symptomata remittuntur. Verum licet morbi causa in parte ignobili velut incuneata videatur, haud contemnenda. Etiam-num ex metastasi in prociñsu sunt maxima mala, quæ ut avertantur eò dirigenda est Medici cura, ut teterima labes è corpore citò citius educatur. Idcirco si nulla opera hunc finem maturius assequatur quàm bubonis incisio, hæc statim celebranda.

I I.

BUBONUM curationem duobus modis aggredi solemne est, nempe resolutione & suppuratione. Priorem medelam suscipiunt bubones essentielles; ii enim licet producantur aut à cohibita secretione aut ab iclu, modò venæ-sectionibus è glandulis* revellatur sanguis, ac resolventibus topicis & humores concreti attenuentur & refocilletur vasorum tonus; fluida prius stagnantia vel per cutis poros avolant, vel emendata & assimilata sanguinis vias absque noxâ iterum subeunt. Nec infeliciter resolvuntur bubones symptomatici, sic hydrargiro; ritè administratâ haud infrequenter discutuntur bubones venerici; imò cum huic cesserant, luem syphiliticam radicibus fuisse extinctam pro eò rito habetur. Et ipsi bubones pesilentes qui, non secus ac alia dirissima symptomata concomitantia, sobolescent ab insigni corruptelâ sanguinis in suâ crasi perversi, à remediis sanguinis universam labem refarcientibus, non neglectis topicis, quandoque resolvuntur. At verò bubonum criticorum in febribus malignis resolutionem tentare, grande piaculum credas. Vel non fiet resolutio & intereà conamine inani prorogabuntur ægrotantis cruciatus, vel quod pessimum, venæ sectionibus revelletur ad interiora fluidum exitiale, topicis ad viscera repercutiuntur miasmata venenota, remediis internis ab opere salutari amovebitur natura: hinc lypothimiæ, syncopes, comata, obscura deliria, tendinum subsultus, inflammationis viscerum gangrenodæ, mors. Verum valentissimo molimine juvetur natura quæ hostem infensissimum superare non potis, eum removit. Ocius è corpore eximitur materia quæ illius ruinam machinatur. Non tutiori medelâ educuntur inemendabiles succi in glandulâ sævientes quàm ipsâmet suppurante glandulâ. Quis ergò incicias eat suppurationem celerrimè esse promovendam.

I I I.

GLANDULÆ, cum vasculis lymphaticis pluribus inflexis potissimum consistunt, paucioribus verò sanguineis intertextæ sint, lentè ad suppurationem ducuntur. Præterea in bubonibus criticis plurima suppurationi obstant, Hu-

mor maximè spissus attritioni relictatur; glandularum vasa prius febre malignâ debilitata jam intarctu obruta debilius oscillant; sanguis corruptus in anfractu-
 osos glandulæ recessus debilitatos conamine naturæ pulvis intestino motu segniori
 donatur. Attamen unico opere suppuratorio tutò exterminari potest teterrima
 lues. Idcirco cum bubonum criticorum spontanea suppuratio non nisi ægerimè
 peragi queat, potèntissima arte excitanda. At non alia encheiresis efficacius &
 tutius metam attinget quam glandulæ incisio. Hâc enim operatione profundetur
 sanguis sordidus qui, tanquam febris malignæ colluvies, stagnabat. Ideo immi-
 nutis in glandulâ resistentis novus sanguis jam expurgatus majori copiâ appeller,
 vasa sectione irritata validius oscilabunt. Quæ cum ita se habeant nemini non
 liquet suppurationem brevi futuram. Mox enim vasa secta in se retrahentur, &
 ab aliis pressa humorum effluxum negabunt; interea vasa integra, eò magis tur-
 gescentia, quò nullus per secta meatus, validius oscillabunt. Hinc atterentur va-
 sorum sectorum tunicæ unâ cum fluidis contentis & per inflictum vulnus citò
 evomentur miasmata exitiosa.

I V.

QUANTI bubonum criticorum in febribus malignis valeat incisio, ex pe-
 riculis ab eâ propulsatis pendatur. Periculum est ne cordis, & arteriarum
 virus à febre malignâ labefactatæ impares sint ad glandulæ vasorum totum ita
 frangendum, ut materia morbifica in his figatur, & idèò timendum ne ad organa
 præstantissima iterum venefica illuvies abigatur. Supposito quòd glandula ita li-
 quidorum impulsui cesserit, ut lymphatica omni tono fuerint orlata, vi systol-
 ticâ in sanguiferis permanente, hæc lapsu temporis sese expedient, illa verò anâ
 cum contentis solidescunt, indurabuntur; unde scirrhus canceri parens. Quantum-
 vis teterrima sint ab induratione impendentia, ut pote quæ distita maximum
 terrorem non incutiunt. At ostia pulsant gangrena & sphacelus; quippe cum san-
 guifera omnia jam turgida ita novo impulsui cedant ut summopere dilatata
 reagere nequeant; in his contenta tanquam in cloacâ putrescent. Aut licet san-
 guifera systalticas vires retinuerint, mox particula acerrimæ ac velut venenatæ
 omnia vasa corrodent, lacerabunt & vasorum lacinia unâ cum fluidis extra-
 vasatis in putidam, putrilaginem abibunt. Unde partis corruptio citò, totius
 necem illatura.

V.

ASSIGNATA bubonum criticorum in febribus malignis causâ, perpen-
 dis urgentibus periculis quæ ab eorum incisione arcentur; quis dubitet hanc
 statim celebrandam? Huic autem operationi exequendæ se accingens Chirurgus
 det operam ut *Stenonis* ductus in parotidibus à sectione sint immunes, ut axillæ
 vasa & nervorum trunci à sectione bubonum in axillis non lædantur, ut incisio
 hanc directionem obtineat, quæ cicatrici successuræ non noceat. Idcirco paro-
 tides ope scalpelli recti profundè incidantur juxta lineam perpendicularem ab
 auribus ad angulum maxillæ; in glandulis axillarum & inguinum sectio sit trans-
 versa, dein scarificetur glandula si imminens gangrenæ sit suspicio. Sectâ glan-
 dulâ, sanguine effuso, inferantur penicilli unguento basilicone, theriacâ & bal-
 samo sulphuris therebintinato illiti. Denum operiatur tumor iis quæ suppurationem
 protrahant. Hâc encheiresi citò, tutò terminabuntur bubones critici. Nobis inq̃

4

castum objiceret expectandam maturationem & juvandam topicis, ut dein collectio puri exitus lanceolæ ope præbeatur; cum jam jam probaverimus suppurationem spontaneam admodum incertam esse, sed è contra metastasim & gangrenam maximè imminere. Unde concludere licet.

Ergò bubones critici in febris malignis statim incidendi.

DOMINI DOCTORES DISCIPLINÆ MAGISTRI.

M. Guillelmus - Josephus DE L'EPINE, Antiquior Scholarum Magister, Antiquus Facultatis Decanus, Academiae Censor.

M. Antonius PETIT, in Horto Regio Anatomæ & Chirurgiæ Professor, à Regiâ Scientiarum Academia, & Militarium regni Noscomiorum Inspector.

M. Claudius - Andreas GOVBELLY.

DOMINI DOCTORES DISPUTATURI.

M. Sanctus - Ludovicus GUINDANT, è Regiâ Scientiarum Societate Monspelienfi.

M. Claudius-Antonius CAILLE, è Societate Medicâ Edimburgensi.

M. Philippus - Alexander BACHER.

M. Dionysius-Claudius DOULCET.

M. Bartholomeus - Tuffanus CLERC, Consiliarius Medicus Regis Ord. in ejus Castellato.

M. Ludovicus-Gabriel DUPRÉ, Serenissimi Principis Condæi Consiliarius Medicus.

Proponebat Parisiis CLAUDIUS - LUDOVICUS BERTHOLLET, è loco Talloieres, Doctor Medicus Taurinensis, necnon Saluberrimæ Facultatis Medicinæ Parisiensis Baccalaureus, A. R. S. H. 1779.

AB OCTAVA AD MERIDIEM.

Typis QUILLAU Universitatis & Facultatis Medicinæ Typographi. 1779.